

RINGKASAN EKSEKUTIF

1.0 Hasil Kajian Pengesanan Graduan 2008 – Keseluruhan Graduan (Jilid I)

1.1 Lulusan Graduan 2008

- 1.1.1 Kajian 2008 disertai oleh 180 Institusi Pengajian Tinggi (IPT) yang terdiri daripada 18 Institusi Pengajian Tinggi Awam (IPTA), 99 Institusi Pengajian Tinggi Swasta (IPTS), 20 Politeknik, 35 Kolej Komuniti dan 8 IPT dalam kategori Lain-lain. Jumlah keseluruhan graduan daripada 180 IPT ini ialah 175,690 orang.
- 1.1.2 Keseluruhan graduan terdiri daripada 56.6 peratus lulusan IPTA, 22.8 peratus lulusan IPTS, 17.8 peratus lulusan Politeknik, 2.5 peratus lulusan Kolej Komuniti dan 0.3 peratus daripada Lain-lain IPT.
- 1.1.3 Graduan antarabangsa mewakili 2.2 peratus (3,855 orang) daripada keseluruhan graduan 2008. Bilangan graduan antarabangsa yang dikeluarkan oleh IPTA ialah 2,113 orang dan oleh IPTS ialah 1,742 orang.
- 1.1.4 Secara keseluruhan, bilangan graduan perempuan mengatasi lelaki dengan nisbah 1:1.36. Bagi peringkat Doktor Falsafah (Ph.D.) nisbahnya ialah 1:0.65, Sarjana (1:1.12), Ijazah Pertama (1:1.73), Diploma (1:1.25) dan Sijil (1:0.75). Mengikut IPT pula, nisbahnya ialah 1:1.65 bagi IPTA dan 1:1.35 bagi IPTS, manakala bagi Politeknik, nisbahnya ialah 1:0.83 dan 1:0.68 bagi Kolej Komuniti.
- 1.1.5 Keluaran mengikut peringkat pengajian, 47.1 peratus adalah graduan Ijazah Pertama, 33.5 peratus peringkat Diploma, Sijil (11.4%), dan Pascaijazah (5.8%).
- 1.1.6 Graduan bidang Sastera & Sains Sosial mewakili 40.6 peratus, bidang Teknikal (29.8%), Sains (11.7%), Teknologi Maklumat & Komunikasi (9.2%) dan Pendidikan (8.7%).

1.2 Profil Responden 2008

- 1.2.1 Setiap kategori IPT mencatat kadar respons antara 51.9 – 89.6 peratus. Kadar respons graduan IPTA ialah 89.6 peratus, IPTS (51.9%), Politeknik (80.9%) dan Kolej Komuniti (85.2%).
- 1.2.2 Majoriti (80.0%) responden berumur antara 21 – 25 tahun, kohort 26 – 30 tahun mewakili 7.4 peratus, kohort 31 – 35 tahun (3.2%) dan kohort 36 tahun ke atas ialah 5.5 peratus.

- 1.2.3 Tiga negeri utama tempat responden bermastautin ialah Selangor (19.0%), Johor (10.4%) dan Perak (9.8%).

1.3 Status Pekerjaan bagi Keseluruhan Graduan 2008

- 1.3.1 Seramai 138,042 graduan warganegara memberi respons kepada Sistem Kajian Pengesanan Graduan (SKPG I) 2008. Daripada jumlah tersebut, 52.8 peratus berada dalam kategori bekerja, 24 peratus belum bekerja, 15.2 peratus melanjutkan pengajian, 6.7 peratus menunggu penempatan pekerjaan dan 1.2 peratus mengikuti pelbagai latihan bagi meningkatkan kemahiran.
- 1.3.2 Peratusan graduan lelaki yang bekerja ialah 56.2 peratus dan perempuan ialah 50.6 peratus. Bagi kategori belum bekerja, peratus dalam kalangan graduan perempuan ialah 24.8 peratus dan lelaki ialah 22.9 peratus.
- 1.3.3 Peratusan yang bekerja bagi semua bidang pengajian ialah antara 51.5 – 57.8 peratus, dengan graduan bidang Pendidikan mencatat peratus tertinggi (57.8%).

1.4 Maklumat Pekerjaan Graduan (Warganegara) 2008

- 1.4.1 Daripada 72,892 responden yang bekerja, 45.3 peratus berada dalam kumpulan Profesional, 18.9 peratus dalam kumpulan Pekerja Perkeranian, Juruteknik & Profesional Berkaitan (17.4%) dan Pekerja Perkhidmatan & Jualan (8.7%).
- 1.4.2 Majoriti (60.9%) graduan bekerja bertaraf tetap, 20 peratus bekerja secara kontrak, 16.5 peratus bekerja sementara dan 2.6 peratus bekerja dengan keluarga dan bekerja sendiri.
- 1.4.3 Majoriti (41.7%) graduan bekerja dalam sektor swasta tempatan, diikuti sektor kerajaan (26.0%), swasta multinasional/asing (17.4%), perusahaan sendiri (4.8%), badan berkanun (4.3%), Syarikat Berkaitan Kerajaan (GLC), 2.9 peratus dan Organisasi Bukan Kerajaan (NGO), 1.6 peratus.
- 1.4.4 Mod pendapatan bulanan graduan bagi lulusan Ph.D. ialah dalam kumpulan RM5001 dan ke atas (58.2%), Sarjana ialah dalam selang RM3001 – RM5000 (38.9%), Ijazah Pertama ialah RM1501 – RM2000 (26.5%), Diploma ialah RM1001 – RM1500 (36.8%) dan Sijil ialah RM501 – RM1000 (59.9%).
- 1.4.5 Sumber utama yang digunakan oleh graduan untuk mendapatkan maklumat pekerjaan ialah rakan/keluarga/pensyarah (34.9%). Internet

(17.3%) merupakan sumber kedua, diikuti media cetak (12.3%) dan tawaran daripada majikan semasa mengikuti latihan industri (5.9%).

- 1.4.6 Sebanyak 10.4 peratus lulusan adalah dalam kalangan yang telah bekerja sebelum menyambung pengajian.

1.5 Graduan 2008 yang Melanjutkan Pengajian Setelah Tamat Pengajian

- 1.5.1 Secara umumnya, sebanyak 31.1 peratus responden menyatakan mereka sedang melanjutkan pengajian. Peratus yang melanjutkan pengajian bagi graduan IPTA ialah 27.4 peratus, IPTS ialah 26.7 peratus, Politeknik ialah 44.7 peratus dan Kolej Komuniti, 51.3 peratus.
- 1.5.2 Majoriti (81.1%) graduan melanjutkan pengajian secara sepenuh masa, 11.3 peratus secara separuh masa dan 6.9 peratus secara jarak jauh.
- 1.5.3 Peratus graduan yang melanjutkan pengajian ke peringkat Ijazah Pertama ialah 39.5 peratus, diikuti ke peringkat Sarjana (25.4%), Diploma (17.0%) dan Diploma Lanjutan (6.6%).
- 1.5.4 Institusi Pengajian Tinggi Awam merupakan pilihan utama bagi graduan melanjutkan pengajian, khususnya dalam kalangan graduan IPTA dan IPTS. Bagi graduan Politeknik dan Kolej Komuniti pula, IPT pilihan mereka ialah Politeknik.
- 1.5.5 Majoriti (85.6%) graduan melanjutkan pengajian dalam bidang yang sama seperti sebelumnya.
- 1.5.6 Tiga sebab utama graduan melanjutkan pengajian ialah bagi meningkatkan tahap kelayakan akademik (35.8%), meluaskan prospek kerjaya (24.9%) dan minat yang mendalam mencari ilmu (23.6%).
- 1.5.7 Bagi lulusan Ph.D., Sarjana dan Diploma Lepas Ijazah, sebab utama mereka melanjutkan pengajian ialah kerana minat yang mendalam bagi mencari ilmu. Bagi graduan Sijil, Diploma, Ijazah Pertama pula ialah untuk meningkatkan tahap kelayakan akademik. Manakala graduan Profesional pula kerana ingin meningkatkan prospek kerjaya.
- 1.5.8 Perbadanan Tabung Pendidikan Tinggi Nasional (PTPTN) merupakan pembiaya utama (40.6%) graduan yang melanjutkan pengajian. Kementerian Pengajian Tinggi (KPT) menaja sebanyak 9.1 peratus dan Majlis Amanah Rakyat (MARA) pula sebanyak 7.9 peratus. Peratus graduan yang membiayai pengajian secara persendirian ialah 21.1 peratus.

1.6 Graduan 2008 yang Belum bekerja

- 1.6.1 Dalam kalangan graduan yang belum bekerja, 70.6 peratus menyatakan mereka sedang mencari pekerjaan, 17.4 peratus sedang menunggu penempatan bagi melanjutkan pengajian, kerja yang ditawarkan tidak sesuai (2.8%), ingin berehat (2.8%) dan tanggungjawab terhadap keluarga (2.1%).
- 1.6.2 Sebahagian besar (44.0%) graduan belum bekerja adalah terdiri daripada lulusan bidang Sastera & Sains Sosial, bidang Teknikal (32.9%), Sains (13.6%), Teknologi Maklumat & Komunikasi (8.0%) dan Pendidikan (1.5%).
- 1.6.3 Majoriti (76.5%) graduan belum bekerja berada dalam kumpulan pendapatan bulanan keluarga kurang daripada RM2000, 30.9 peratus berada dalam kumpulan pendapatan bulanan keluarga RM501 – RM1000, RM1001 – RM1500 (19.1%), RM500 dan ke bawah (14.8%) dan RM1501 – RM2000 (11.7%).
- 1.6.4 Kebanyakan graduan menyatakan kursus tambahan yang boleh meluaskan peluang pekerjaan ialah Kemahiran Bahasa Inggeris (76.2%), Kemahiran ICT (58.3%), Pembangunan Kerjaya (57.2%), Kemahiran Interpersonal (54.0%) dan Latihan Keusahawanan (51.5%).
- 1.6.5 Sebanyak 67.7 peratus graduan belum bekerja pernah menghadiri temu duga dengan 62.9 peratus menyatakan pernah menghadiri temu duga antara 1 – 5 kali dan 4.8 peratus pernah menghadiri temu duga melebihi lima kali.
- 1.6.6 Sektor kerajaan merupakan pilihan utama graduan belum bekerja, diikuti sektor badan berkanun dan swasta tempatan.

2.0 Hasil Kajian Pengesanan Graduan Diploma 2008 (Jilid II)

2.1 Lulusan Diploma 2008

- 2.1.1 Jumlah keseluruhan lulusan Diploma yang dikeluarkan oleh 9 IPTA, 80 IPTS, 16 Politeknik dan 8 Lain-lain IPT ialah 58,942 orang. Daripada jumlah tersebut, IPTA mengeluarkan 21,666 orang (36.8%), IPTS seramai 19,062 orang (32.3%), Politeknik seramai 17,783 orang (30.2%) dan Lain-lain IPT seramai 467 orang (0.8%).
- 2.1.2 Hampir keseluruhan graduan Diploma (99.5%) adalah warganegara dan hanya 0.5 peratus terdiri daripada graduan antarabangsa.

- 2.1.3 Secara keseluruhan, bilangan graduan perempuan mengatasi lelaki dengan nisbah 1:1.25. Nisbah lulusan perempuan kepada lelaki bagi IPTA ialah 1:1.44 dan bagi IPTS ialah 1:1.48, manakala bagi Politeknik nisbahnya ialah 1:0.88.
- 2.1.4 Majoriti (42.3%) graduan Diploma adalah lulusan dalam bidang Sastera & Sains Sosial, 37.9 peratus adalah dalam bidang Teknikal, 9.8 peratus dalam bidang Teknologi Maklumat & Komunikasi, 9.4 peratus bidang Sains dan 0.6 peratus bidang Pendidikan.
- 2.1.5 Peratus lulusan Diploma yang berada dalam selang kumpulan Purata Nilai Gred Kumulatif (PNGK) 3.00 – 3.49 ialah 40.2 peratus, diikuti PNGK 2.50 – 2.99 (35.6%) dan hanya 4.4 peratus dalam selang PNGK 3.70 – 4.00. Bagi graduan IPTA, majoriti (40.9%) berada dalam kumpulan PNGK 2.50 – 2.99, dan bagi IPTS juga, majoriti (42.2%) berada dalam selang PNGK yang sama. Bagi graduan Politeknik pula, sebahagian besarnya (55.6%) berada dalam kumpulan PNGK 3.00 – 3.49.

2.2 Profil Responden Diploma 2008

- 2.2.1 Jumlah graduan Diploma yang memberi respons ialah 43,719 orang dengan kadar responsnya sebanyak 74.2 peratus.
- 2.2.2 Majoriti (87.9%) lulusan Diploma berada dalam kumpulan umur 21 – 25 tahun.
- 2.2.3 Tiga negeri utama tempat bermastautin bagi responden Diploma ialah Selangor (19.4%), Johor (10.1%) dan Perak (10.0%).
- 2.2.4 Majoriti (70.7%) graduan Diploma dibiayai oleh PTPTN dan 14.2 peratus membiayai pengajian secara persendirian.
- 2.2.5 Kebanyakan (28.9%) lulusan Diploma adalah terdiri daripada keluarga yang mempunyai pendapatan bulanan dalam selang RM501 – RM1000, diikuti RM1001 – RM1500 (20.6%), RM1501 – RM2000 (13.2%), RM500 ke bawah (11.0%) dan hanya 26.3 peratus mempunyai pendapatan bulanan keluarga melebihi RM2000.

2.3 Status Pekerjaan Graduan Diploma (Warganegara) 2008

- 2.3.1 Secara keseluruhan, 38.4 peratus graduan Diploma berada dalam kategori bekerja, 36.7 peratus sedang melanjutkan pengajian, 21.5 peratus belum bekerja, 2.3 peratus sedang menunggu penempatan

pekerjaan dan 1.1 peratus mengikuti latihan bagi meningkatkan kemahiran.

- 2.3.2 Dalam kalangan yang bekerja, lulusan bidang Pendidikan (44.2%) dan Teknikal (43.5%) mencatatkan peratus tertinggi. Graduan bidang Sastera & Sains Sosial (43.4%) dan bidang Teknologi Maklumat & Komunikasi (42.3%) pula, peratus tertinggi adalah dalam kalangan yang sedang melanjutkan pengajian.
- 2.3.3 Peratus graduan yang bekerja mengikut pencapaian akademik ialah 48.5 peratus bagi lulusan dalam kohort PNGK 2.00 – 2.49, 39.4 peratus bagi kohort PNGK 2.50 – 2.99, 37.4 peratus bagi selang PNGK 3.00 – 3.49 dan 36.4 peratus bagi selang PNGK 3.50 – 3.69.
- 2.3.4 Dalam kalangan yang melanjutkan pengajian, majoriti (54.1%) terdiri daripada graduan dalam kohort PNGK 3.70 – 4.00 dan terendah (23.1%) adalah dalam kalangan graduan kohort PNGK 2.00 – 2.49.
- 2.3.5 Peratus graduan yang bekerja adalah lebih tinggi sedikit bagi setiap kumpulan pendapatan bulanan keluarga RM2000 ke bawah.
- 2.3.6 Peratus graduan yang melanjutkan pengajian adalah lebih tinggi sedikit bagi setiap kumpulan pendapatan bulanan keluarga RM2001 dan ke atas.

2.4 Maklumat Pekerjaan Graduan Diploma (Warganegara) 2008

- 2.4.1 Daripada 16,761 graduan Diploma yang bekerja, 32.9 peratus bekerja dalam kumpulan Juruteknik & Profesional Berkaitan, 31.7 peratus dalam kumpulan Pekerja Perkeranian, Profesional (14.2%) dan Pekerja Perkhidmatan & Jualan (11.6%).
- 2.4.2 Majoriti (53.3%) graduan bekerja bertaraf tetap, 23.1 peratus bekerja secara kontrak, 20.2 peratus bekerja sementara dan 3.5 peratus bekerja dengan keluarga dan bekerja sendiri.
- 2.4.3 Sektor swasta tempatan (51.9%) menjadi tumpuan utama graduan Diploma, diikuti sektor swasta multinasional/asing (15.9%) dan sektor kerajaan (14.6%).
- 2.4.4 Kebanyakan (36.8%) graduan mempunyai pendapatan bulanan antara RM1001 – RM1500, diikuti kumpulan RM501 – RM1000 (34.2%) dan RM1501 – RM2000 (17.0%) dan RM500 ke bawah (5.3%).
- 2.4.5 Mod pendapatan bulanan graduan bagi lulusan Sastera & Sains Sosial (43.0%) dan Pendidikan (57.1%) ialah dalam kumpulan RM501 – RM1000. Bagi graduan bidang Teknikal (41.7%) dan bidang Teknologi Maklumat & Komunikasi (40.5%), ialah dalam selang RM1001 – RM1500.

Manakala bagi graduan Sains, 37.8 peratus berada dalam selang pendapatan RM1501 – RM2000.

- 2.4.6 Tiga sumber utama mendapat maklumat pekerjaan bagi lulusan Diploma ialah rakan/keluarga/pensyarah (42.6%), internet (14.5%) dan media cetak (13.6%).

2.5 Graduan Diploma 2008 yang Melanjutkan Pengajian Setelah Tamat Pengajian

- 2.5.1 Secara keseluruhannya, 50.7 peratus graduan Diploma melanjutkan pengajian sejeurus selepas tamat pengajian. Peratus graduan IPTA yang melanjutkan pengajian ialah 70.8 peratus, IPTS (40.3%) dan Politeknik (32.7%).
- 2.5.2 Majoriti (89.3%) graduan Diploma 2008 menyambung pengajian secara sepenuh masa.
- 2.5.3 Majoriti (86.6%) graduan Diploma meneruskan pengajian ke peringkat Ijazah Pertama, diikuti Diploma Lanjutan (10.3%) dan Profesional (1.5%).
- 2.5.4 Institusi Pengajian Tinggi Awam (84.3%) merupakan pilihan utama bagi graduan Diploma melanjutkan pengajian.
- 2.5.5 Majoriti (84.7%) graduan Diploma memilih bidang pengajian yang sama seperti sebelumnya.
- 2.5.6 Empat sebab utama graduan Diploma melanjutkan pengajian ialah untuk meningkatkan tahap kelayakan akademik (34.3%), meningkatkan prospek kerjaya (28.6%), minat yang mendalam mencari ilmu (19.8%) dan meningkatkan peluang mendapat pekerjaan (12.1%).
- 2.5.7 Perbadanan Tabung Pendidikan Tinggi Nasional (58.1%) merupakan penaja utama bagi graduan yang melanjutkan pengajian, diikuti pembiayaan secara persendirian (16.3%) dan MARA (10.7%).

2.6 Graduan Diploma (Warganegara) 2008 yang Belum Bekerja

- 2.6.1 Daripada 9,405 responden Diploma yang belum bekerja, 47.7 peratus terdiri daripada graduan Politeknik, 27.3 peratus graduan IPTA dan 25 peratus graduan IPTS.
- 2.6.2 Majoriti graduan yang belum bekerja sedang mencari pekerjaan (61.1%) atau sedang menunggu penempatan untuk melanjutkan pengajian (27.9%).

- 2.6.3 Sebahagian besar graduan belum bekerja memperoleh PNGK antara 3.00 – 3.49 (41.1%) dan 38.4 peratus berada dalam kohort PNGK 2.50 – 2.99.
- 2.6.4 Majoriti (47.5%) graduan belum bekerja mempunyai pendapatan bulanan keluarga RM1000 dan ke bawah.
- 2.6.5 Majoriti (80.1%) graduan memilih kursus Kemahiran Bahasa Inggeris sebagai program latihan tambahan yang ingin diikuti bagi meningkatkan peluang mendapat pekerjaan.
- 2.6.6 Sebahagian besar (63.2%) graduan belum bekerja pernah menghadiri temu duga sebanyak 1 – 5 kali.
- 2.6.7 Sektor kerajaan merupakan pilihan utama graduan Diploma yang belum bekerja, diikuti sektor badan berkanun dan swasta tempatan.

3.0 Hasil Kajian Pengesanan Graduan Ijazah Pertama 2008 (Jilid III)

3.1 Lulusan Ijazah Pertama 2008

- 3.1.1 Seramai 82,689 graduan peringkat Ijazah Pertama dikeluarkan oleh 17 IPTA dan 40 IPTS. Daripada jumlah tersebut, 76.6 peratus adalah lulusan IPTA dan 23.4 peratus merupakan lulusan IPTS.
- 3.1.2 Graduan antarabangsa mewakili 2 peratus (1,657 orang) daripada keseluruhan graduan Ijazah Pertama. Bilangan graduan antarabangsa yang dikeluarkan oleh IPTA ialah 445 orang dan IPTS ialah 1,212 orang.
- 3.1.3 Secara keseluruhan, bilangan lulusan perempuan mengatasi lelaki dengan nisbah 1:1.73. Nisbah lulusan lelaki kepada perempuan bagi IPTA ialah 1:1.91 dan IPTS ialah 1:1.26.
- 3.1.4 Graduan bidang Sastera & Sains Sosial mewakili 43.8 peratus daripada keseluruhan lulusan Ijazah Pertama, diikuti bidang Teknikal (18.5%), Sains (14.9%), Pendidikan (14.0%) dan Teknologi Maklumat & Komunikasi (8.8%).
- 3.1.5 Majoriti (42.6%) graduan berada dalam selang kumpulan PNGK 3.00 – 3.49, diikuti kohort PNGK 2.50 – 2.99 (35.2%) dan PNGK 3.50 – 4.00 (10.8%). Bagi graduan IPTA, sebahagian besar (46.9%) berada dalam kohort PNGK 3.00 – 3.49 dan bagi IPTS, peratus tertinggi (36.4%) berada dalam kohort PNGK 2.50 – 2.99.

3.2 Profil Responden Ijazah Pertama 2008

- 3.2.1 Kadar respons keseluruhan graduan Ijazah Pertama ialah 86.4 peratus. Bagi IPTA, kadar respons ialah 95.8 peratus dan IPTS ialah 55.8 peratus.
- 3.2.2 Majoriti (82.0%) lulusan Ijazah Pertama berada dalam kumpulan umur 21 – 25 tahun.
- 3.2.3 Tiga negeri utama tempat bermastautin bagi responden Ijazah Pertama ialah Selangor (18.7%), Johor (11.0%) dan Perak (9.6%).
- 3.2.4 Majoriti (69.7%) graduan Ijazah Pertama dibiayai oleh PTPTN dan 9.5 peratus membiayai pengajian secara persendirian.
- 3.2.5 Kebanyakan (21.9%) lulusan Ijazah Pertama berada dalam kumpulan pendapatan bulanan keluarga RM501 – RM1000, diikuti RM1001 – RM1500, (16.8%), RM1501 – RM2000, (13.6%), RM2001 – RM2500, (9.8%) dan 19.1 peratus dalam kumpulan RM3001 dan ke atas.

3.3 Status Pekerjaan Graduan Ijazah Pertama (Warganegara) 2008

- 3.3.1 Secara keseluruhan, 58.5 peratus graduan Ijazah Pertama berada dalam kategori bekerja, 24.7 peratus belum bekerja, 4.7 peratus melanjutkan pengajian, 10.6 peratus menunggu penempatan pekerjaan dan 1.6 peratus mengikuti pelbagai latihan bagi meningkatkan kemahiran.
- 3.3.2 Peratus graduan lelaki (63.7%) yang bekerja melebihi perempuan (55.7%).
- 3.3.3 Bagi setiap bidang pengajian utama, peratus graduan yang bekerja ialah antara 51.2 – 67.4 peratus, dengan graduan bidang Teknologi Maklumat & Komunikasi mencatat peratus tertinggi.
- 3.3.4 Peratus graduan IPTS yang berada dalam kategori bekerja ialah 77.5 dan bagi IPTA pula ialah 55.1 peratus.
- 3.3.5 Bagi graduan dalam kohort PNGK 3.70 – 4.00, peratus yang bekerja ialah 69.3 peratus, 62.3 peratus bagi kohort PNGK 3.50 – 3.69 dan 61.3 peratus bagi selang PNGK 2.00 – 2.49.
- 3.3.6 Graduan dalam kumpulan PNGK 2.50 – 2.99 mencatat peratus tertinggi (29.5%) bagi kategori belum bekerja, diikuti mereka yang dalam kumpulan PNGK 2.00 – 2.49 (29.0%).
- 3.3.7 Peratus graduan yang bekerja adalah lebih tinggi sedikit bagi setiap kumpulan pendapatan bulanan keluarga RM1500 ke atas.
- 3.3.8 Peratus graduan yang belum bekerja adalah lebih tinggi sedikit bagi setiap kumpulan pendapatan bulanan keluarga RM1500 dan ke bawah.

3.4 Maklumat Pekerjaan Graduan Ijazah Pertama (Warganegara) 2008

- 3.4.1 Daripada 41,470 lulusan Ijazah Pertama yang bekerja, 58.8 peratus bekerja dalam kumpulan Profesional, 15.4 peratus dalam kumpulan Pekerja Perkeranian dan 12.0 peratus dalam kumpulan Juruteknik & Profesional Berkaitan.
- 3.4.2 Peratus graduan perempuan (20.7%) yang bekerja dalam kumpulan Pekerja Perkeranian adalah melebihi lelaki (6.5%). Bagi kumpulan Profesional dan kumpulan Juruteknik & Profesional Berkaitan, peratus graduan lelaki adalah melebihi perempuan.
- 3.4.3 Majoriti (64.0%) graduan mempunyai pekerjaan bertaraf tetap, 20 peratus bekerja secara kontrak, 14 peratus bekerja sementara dan 1.9 peratus graduan bekerja sendiri dan bekerja dengan keluarga.
- 3.4.4 Sektor swasta tempatan (39.0%) merupakan pembekal pekerjaan utama graduan Ijazah Pertama, diikuti sektor kerajaan (29.0%) dan swasta multinasional/asing (20.0%).
- 3.4.5 Kebanyakan (26.5%) graduan memperoleh pendapatan bulanan antara RM1501 – RM2000, diikuti RM2001 – RM2500, (21.6%), RM1001 – RM1500, (18.0%), RM2501 – RM3000, (11.8%) dan RM3001 dan ke atas (10.1%).
- 3.4.6 Mod pendapatan bulanan graduan bidang Sastera & Sains Sosial, bidang Sains, dan bidang Teknologi Maklumat & Komunikasi ialah antara RM1501 – RM2000. Bagi graduan bidang Teknikal, mod pendapatan bulanan mereka ialah RM2001 – RM2500 dan graduan bidang Pendidikan pula, mod pendapatan bulanan ialah RM2501 – RM3000.
- 3.4.7 Rakan/keluarga/pensyarah (31.1%), internet (21.1%) dan media cetak (11.3%) merupakan tiga sumber utama graduan Ijazah Pertama mendapat maklumat pekerjaan.

3.5 Graduan Ijazah Pertama 2008 yang Melanjutkan Pengajian Setelah Tamat Pengajian

- 3.5.1 Secara keseluruhan, 14.7 peratus lulusan Ijazah Pertama melanjutkan pengajian sejurus selepas tamat pengajian. Peratus graduan IPTA yang melanjutkan pengajian ialah 14.8 peratus dan IPTS ialah 14 peratus.
- 3.5.2 Majoriti (59.0%) graduan Ijazah Pertama menyambung pengajian secara sepenuh masa, diikuti separuh masa (24.2%) dan jarak jauh (15.1%).

- 3.5.3 Sebahagian besar (80.0%) graduan Ijazah Pertama meneruskan pengajian ke peringkat Sarjana, 6.8 peratus ke peringkat Profesional dan Ph.D. (4.8%).
- 3.5.4 Institusi Pengajian Tinggi Awam (82.9%) merupakan pilihan utama graduan Ijazah Pertama melanjutkan pengajian, diikuti IPTS (8.8%) dan institusi luar negara (8.2%).
- 3.5.5 Majoriti (82.2%) graduan memilih melanjutkan pengajian dalam bidang yang sama seperti sebelumnya.
- 3.5.6 Tiga sebab utama graduan Ijazah Pertama melanjutkan pengajian ialah untuk meningkatkan tahap kelayakan akademik (36.0%), minat yang mendalam mencari ilmu (30.5%) dan untuk meningkatkan prospek kerjaya (22.6%).
- 3.5.7 Umumnya, graduan Ijazah Pertama membiayai pengajian mereka secara persendirian (34.8%).

3.6 Graduan Ijazah Pertama 2008 yang Belum Bekerja

- 3.6.1 Daripada 17,512 graduan Ijazah Pertama yang belum bekerja, 81.3 peratus sedang mencari pekerjaan.
- 3.6.2 Majoriti (53.0%) graduan yang belum bekerja adalah lulusan dalam bidang Sastera & Sains Sosial, diikuti Sains (20.5%) dan Teknikal (17.8%).
- 3.6.3 Majoriti (61.4%) graduan berada dalam kumpulan pendapatan bulanan keluarga RM1500 dan ke bawah.
- 3.6.4 Majoriti (73.0%) graduan belum bekerja memilih kursus Kemahiran Bahasa Inggeris sebagai program latihan tambahan yang ingin diikuti bagi meningkatkan peluang mendapat pekerjaan.
- 3.6.5 Sebahagian besar (64.5%) graduan belum bekerja pernah menghadiri temu duga pekerjaan antara 1 – 5 kali.
- 3.6.6 Sektor kerajaan merupakan pilihan utama, diikuti sektor badan berkanun dan swasta tempatan sebagai tempat untuk bekerja dalam kalangan graduan belum bekerja.

4.0 Hasil Kajian Pengesanan Graduan Pascaijazah 2008 (Jilid IV)

4.1 Lulusan Pascaijazah 2008

- 4.1.1 Jumlah keseluruhan graduan Pascaijazah yang dikeluarkan pada tahun 2008 oleh 15 IPTA dan 5 IPTS ialah 10,137 orang. Daripada jumlah tersebut, 8.1 peratus graduan Ph.D. dan 91.9 peratus graduan Sarjana.
- 4.1.2 Majoriti graduan Ph.D. (97.6%) dan graduan Sarjana (94.0%) adalah lulusan IPTA.
- 4.1.3 Nisbah graduan lelaki kepada perempuan bagi peringkat Pascaijazah ialah 1:1.07. Bagi peringkat Ph.D., bilangan graduan lelaki melebihi perempuan (1:0.65) dan bagi peringkat Sarjana pula, nisbahnya ialah 1:1.12.
- 4.1.4 Graduan antarabangsa mewakili 17.8 peratus (1,803 orang) daripada keseluruhan graduan Pascaijazah, iaitu graduan Ph.D. seramai 291 orang dan 1,512 graduan Sarjana.
- 4.1.5 Sebahagian besar (40.8%) graduan Pascaijazah adalah lulusan bidang Sastera & Sains Sosial, bidang Sains (19.2%), bidang Pendidikan (17.3%), bidang Teknikal (14.4%) dan bidang Teknologi Maklumat & Komunikasi (8.3%).

4.2 Profil Responden Pascaijazah 2008

- 4.2.1 Jumlah graduan Pascaijazah yang menyertai kajian 2008 ialah 7,618 orang, dengan kadar respons 75.2 peratus. Kadar respons graduan Pascaijazah IPTA ialah 78.6 peratus dan bagi IPTS ialah 18 peratus.
- 4.2.2 Sebahagian besar (47.8%) graduan Ph.D. berada dalam kumpulan umur 41 tahun dan ke atas. Bagi lulusan Sarjana pula, peratus tertinggi (26.7%) berada dalam kumpulan umur antara 26 – 30 tahun dan diikuti kumpulan umur 41 tahun dan ke atas (24.8%).
- 4.2.3 Tiga negeri utama tempat bermastautin bagi responden Pascaijazah ialah Selangor (32.7%), Wilayah Persekutuan Kuala Lumpur (9.5%) dan Johor (8.8%).
- 4.2.4 Majoriti (59.2%) graduan Pascaijazah membiayai pengajian secara persendirian.
- 4.2.5 Kebanyakan (70.5%) graduan Pascaijazah adalah terdiri daripada keluarga yang mempunyai pendapatan bulanan melebihi RM2501 dan ke atas.

4.3 Status Pekerjaan Graduan Pascaijazah (Warganegara) 2008

- 4.3.1 Majoriti (88.5%) graduan Pascaijazah berada dalam kategori bekerja, 7 peratus belum bekerja, 2.6 peratus menunggu penempatan pekerjaan, 1.8 peratus melanjutkan pengajian dan 0.1 peratus mengikuti pelbagai latihan bagi meningkatkan kemahiran.
- 4.3.2 Bagi graduan Ph.D., majoriti (96.0%) berada dalam kategori bekerja, 2.8 peratus belum bekerja dan 1.2 peratus sedang menunggu penempatan pekerjaan.
- 4.3.3 Bagi lulusan Sarjana pula, 88.1 peratus telah bekerja, 7.3 peratus belum bekerja, 2.6 peratus menunggu penempatan pekerjaan, 1.9 peratus melanjutkan pengajian dan 0.1 peratus mengikuti pelbagai latihan bagi meningkatkan kemahiran
- 4.3.4 Lebih 80 peratus daripada graduan Pascaijazah dalam setiap bidang pengajian utama berada dalam kategori bekerja.
- 4.3.5 Secara keseluruhan, setiap kumpulan umur mencatat peratus tertinggi graduan yang bekerja (lebih 83 peratus).kecuali graduan dalam kumpulan umur 21 – 25 tahun (65.9%)

4.4 Maklumat Pekerjaan Graduan Pascaijazah (Warganegara) 2008

- 4.4.1 Majoriti (77.9%) graduan Pascaijazah bekerja dalam kumpulan Profesional, 15.1 peratus dalam kumpulan Perundangan, Pegawai Kanan & Pengurus dan 3.5 peratus dalam kumpulan Juruteknik & Profesional Berkaitan.
- 4.4.2 Lebih 85 peratus graduan Pascaijazah dalam setiap bidang pengajian bekerja dalam kumpulan Profesional, melainkan graduan bidang Sastera & Sains Sosial, hanya 61.3 peratus berada dalam kumpulan tersebut.
- 4.4.3 Majoriti (80.7%) graduan Pascaijazah mempunyai pekerjaan bertaraf tetap, 10 peratus bekerja secara kontrak dan 7.1 peratus bekerja sementara.
- 4.4.4 Lebih 80 peratus graduan dalam bidang Sastera & Sains Sosial, Teknologi Maklumat & Komunikasi dan bidang Pendidikan bekerja secara tetap.
- 4.4.5 Majoriti (51.8%) graduan Pascaijazah bekerja dalam sektor kerajaan, diikuti sektor swasta tempatan (19.3%), badan berkanun (10.2%) dan swasta multinasional/asing (9.9%).

- 4.4.6 Sebahagian besar (38.6%) graduan memperoleh pendapatan bulanan antara RM3001 – RM5000, diikuti RM5001 dan ke atas (20.2%), RM2501 – RM3000 (18.9%) dan RM2001 – RM2500 (12.8%).
- 4.4.7 Mod pendapatan bulanan graduan setiap bidang pengajian adalah antara RM3001 – RM5000, dengan graduan Pendidikan mencatatkan peratus tertinggi (45.7%).
- 4.4.8 Rakan/keluarga/pensyarah (21.8%), media cetak (16.6%) dan internet (11.6%) merupakan sumber utama graduan Pascaijazah mendapatkan maklumat pekerjaan.

4.5 Graduan Sarjana 2008 yang Melanjutkan Pengajian Setelah Tamat Pengajian

- 4.5.1 Daripada 7,087 graduan Sarjana, 19.4 peratus menyambung pengajian sejurus selepas tamat pengajian. Peratus graduan Sarjana IPTA yang melanjutkan pengajian ialah 19.4 peratus dan IPTS ialah 20.8 peratus.
- 4.5.2 Majoriti (62.4%) graduan Sarjana 2008 memilih mod pengajian sepenuh masa.
- 4.5.3 Majoriti (88.9%) graduan Sarjana meneruskan pengajian ke peringkat Ph.D. dan sebahagian kecilnya mengikuti kursus profesional (1.8%) serta kursus jangka pendek (0.9%).
- 4.5.4 Institusi Pengajian Tinggi Awam (74.8%) menjadi pilihan utama graduan Sarjana untuk melanjutkan pengajian, dan diikuti institusi luar negara (22.5%).
- 4.5.5 Majoriti (85.8%) graduan Sarjana memilih bidang pengajian sama seperti sebelumnya.
- 4.5.6 Tiga sebab utama graduan Sarjana 2008 melanjutkan pengajian ialah minat yang mendalam untuk mencari ilmu (44.1%), meningkatkan tahap kelayakan akademik (36.2%) dan prospek kerjaya yang lebih baik (12.2%).
- 4.5.7 Sebahagian besar (37.9%) graduan Sarjana membiayai pengajian mereka secara persendirian, diikuti KPT (14.6%), Kementerian Pelajaran Malaysia (KPM), 9.5 peratus dan Jabatan Perkhidmatan Awam (JPA), 8.7 peratus.